



Broj: UP1-05/1-27-021016/15
Tuzla, 28.09.2015. godine.

Ministarstvo trgovine, turizma i saobraćaja Tuzlanskog kantona rješavajući po zahtjevu prijevoznika „AVIS“ d.o.o. iz Gračanice za brisanje autobuske stanice na redu vožnje kantonalne autobusne linije GRAČANICA - LUKAVAC - TUZLA na osnovu člana 52. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra ("Službeni novine FBiH", br. 79/13, 91/14 i 98/14) i člana 200. Zakona o upravnom postupku („Službene novine FBiH“, br. 2/98 i 48/99), donosi

RJEŠENJE

1. Prijevozniku „AVIS“ d.o.o. iz Gračanice **ODOBRAVA SE** brisanje „Autobuske stanice Zapad“ upisane u stari red vožnje na kantonalnoj liniji **GRAČANICA - LUKAVAC - TUZLA** sa vremenom polaska iz Gračanice u 05,40; 05,55; 06,20; 07,20; 08,50; 10,05; 12,00; 12,50; 14,25; 16,00 i 16,40 i vremenom povratka iz Tuzle u 07,30; 08,30; 10,50; 11,50; 13,20; 14,10; 15,10; 15,35; 16,35; 17,25 i 19,30, a koji je zaveden u registar kantonalnih redova vožnje pod brojem: 1-1/2012 od 05.10.2012. godine.
2. U skladu sa tačkom 1. ovog rješenja izvršiti ovjeru reda vožnje i itinerara sa rokom važenja do 01.10.2015. godine, do kada je bio ovjeren i stari red vožnje.
3. O izmjeni reda vožnje na navedenoj liniji prijevoznik je dužan obavijestiti autobuske stanice koje ima upisane na registrovanom redu vožnje.

Obrazloženje

Prijevoznik „AVIS“ d.o.o. iz Gračanice obratio se zahtjevom broj: 168/15 od 22.07.2015. godine, dopunom zahtjeva broj: 28-N/15 od 09.09.2015. godine i broj: 141 N/15 od 28.09.2015. godine, kojim traži da mu se na kantonalnoj autobuskoj liniji GRAČANICA - LUKAVAC - TUZLA, zavedenoj u registar kantonalnih redova vožnje pod brojem 1-1/2012 od 05.10.2012. godine, odobri promjena, tj. brisanje „Autobuske stanice Zapad“ koju ima upisanu u registrovanom redu vožnje.

U skladu sa članom 52. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra u registracijskom periodu, izvan postupka koji je regulisan ovim Pravilnikom, mjerodavno tijelo koje vodi Registar može vršiti promjene na registrovanom redu vožnje, tako da taj red vožnje u odnosu na usaglašeni i registrovani red vožnje ima status starog reda vožnje sa statusnom promjenom.